



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

Parallela Geographica Italiae Veteris Et Novae

**Briet, Philippe**

**Parisiis, 1649**

Nvm. 5. De Senonibus.

**urn:nbn:de:hbz:466:1-13120**

## N V M. 3. De Boiis.

**NOMEN & ORIGO.** Boiorum in Galliâ Transalpinâ meminere Cæsar, & vulgò creduntur incoluisse *le Bourbonois*: iunctique Lingonibus Tuscos expulerunt post Olymp. 64. an. 3. vt præmonuimus; & hæserunt in Italiâ donec à Romanis expulsi sunt, vel exterminati. De bellis Romanorum cum Boiis sæpe Polybius, & Liuius: vltimum legitur apud Liuium lib. 36. quando à P. Cornelio Nasica victi sunt, eodem Cornelio & M. Acilio Glabrione Coss. tumque dimidiâ agri parte multati. Tandem eiecti sunt ex Italiâ vt tradunt Polybius & Strabo; sed modum, & tempus non explicant.

**FINES.** *Ab Occidente* Taro Fl. separabantur ab Anamanis; Idice Fl. *à Lingonibus ab Oriente*; Apennino *à Meridie* à Liguri- bus; *à Septentrione* denique Pado à Cenomanis, & Venetis.

## N V M. 4. De Lingonibus.

**NOMEN & ORIGO.** Dicti sunt à Lingonibus Gallis quorum vrbs Andomatunum *Langres*. Ita cum Boiis coniuncti sunt, vt vnâ gentem conflasse videantur; quare Polybius lib. 2. Boios Senonibus conterminos videtur statuisse; nihilominus saltem sub initium discreti erant.

**FINES.** *Ab Occidente* Idice Fl. diuidebantur à Boiis; *à Meridie* Apennino monte, à Tuscis; *ab Oriente* Vtente Fl. *Montone*; denique *à Septentrione* Pado Fl. à Venetis.

## N V M. 5. De Senonibus.

**NOMEN & ORIGO.** Straboni Σένορες & Σάνορες dicuntur; Ptolemæo Σέννορες; Polybio Σήνορες; Diodoro Σέννορες. Orti sunt à Senonibus Gallis *ceux de Sens en Bourgogne*, & ab iis dicta Sena Gallica *Senigaglia*, vltimique omnium Gallorum, vt præmonuimus, Alpes transgressi sunt.

**LOCVS & REGIO.** Vbi autem habitarent primùm, non satis inter scriptores liquet. Liuius enim lib. 5. conlatisse ait in eo tractu qui extenditur inter fluuios Vtentem *Montone*, & Æsim *Esino*. At



Diodorus lib. 14. scribit eos occupasse remotissimum ex montibus ad mare collem, vbi cum nimio æstu grauarentur, nouas sedes quærere decreuisse. Auctor tamen de viris illustribus, ait sterilitate coactos inde excessisse. Appianus verò in Annibalicis, & Procopius in Gothicis aliter sentiunt: tradunt enim Gallos ab vrbe quam ceperant per Camillum repulsos Apenninum transcendisse, & hîc sedes collocasse, vbi mox eorum statuemus fines; quæ opinio parum probabilis est. Itaque cum Cluuerio arbitror primum Senones ad Sinum Adriaticum confedisse, & illectos pulcritudine, & amœnitate Tusciæ quam habebant ante oculos, inuitatos etiam ab Arunte Clusino, ob vxorem à Lucumone corruptam, etiam oblati frugibus, Clusium obsedisse cum transissent per locum qui Sapinia Tribus dicitur ad fontes Sapis Fl. vbi hodie *Bagni di S. Maria*; relicto Clusio Romam perrexisse, victisque turpiter ad Alliam Romanis urbem incendisse, ex cuius ruinis per Camillum eiecti sunt.

*Quomodo autem & quando deserint Senones; non est leuior difficultas. Strabo ait exterminatos esse; Ρωμαῖοι τὸν τῶν Ἑλλήνων: & paulò post ἀφανισθέντων Σενώνων, cum tamen Boios expulsos esse dicat. Sed quomodo id contigerit Polybius lib. 2. vtcumque expedit. Narrat M. Curium Dentatum, cum iis ad Aretium pugnantem Legatos misisse pro captiuis redimendis, sed hos interfectos esse; Romanos in perfidos irruisse fortiter, & partim cecidisse, partim expulisse: consulatus autem M. Curij Dentati in annum V. C. 463. cadit. Attamen Dionysius Halicarn. in Excerptis legationum, & Florus lib. 1. cap. 14. innuunt exterminatos esse; ita loquitur Florus: *Po. Ro. sic Senones persecutus est, vt hodie nulla vestigia supersint; deuicti sunt ad lacum Vadimonis, &c. ne quis extaret qui incensam à se Romam gloriaretur.* Ex quibus conficitur à M. Curio Dentato deuictos, Senaque coloniã constitutã ultra Rubiconem confedisse, ac demum in pugna ad Vadimonem contra Dolabellam omnes concidisse.*

Eorum ager exinde modò dictus est Picenus, modò Gallicus, de cuius fertilitate dicemus in Admirandis ex Varrone, & Columellâ: Liuius tamen lib. 23. agros Gallicum & Picenum distinguit; & 39. coloniam Potentiam in Piceno, Pisaurum in Gallico agro sitas ait.

FINES. Liuius lib. 5. Senones recentissimi aduenarum ab Vtente Fl.